

摘藻堂四庫全書薈要

史部

欽定四庫全書薈要卷七千三百四十九

史部

御批資治通鑑綱目卷三十六下

庚申二十年春二月賀若弼坐事下獄救出之

弼復坐事下獄帝數之曰公有三太猛嫉妬心太猛自是非人心太猛無上心太猛既而擇之他日帝謂侍臣曰弼將伐陳謂高頴曰不作高鳥盡良弓藏邪後又語頴曰皇太子于已無所不盡公終久何必不得弼力何脉脉邪意圖鎮廣集覽數之數責也計其陵又圖荊州皆作亂之地也次第一一責之也左傳乃執子商而數之公終久何必不得弼力何脉脉耶公謂高頴也必逆料之義謂公如何必度得終久不得我之力何故脉脉然不為正誤何脉脉邪今我著一語邪文選脉脉不得語按古詩脉脉

不得語脉本作脈說文徐氏註目畧視之質實高鳥也蓋猶今人語冷眼相看不相親之意

弓藏左傳越既滅吳范蠡去之遺大夫種書曰蜚鳥盡良弓藏狡兔死走狗烹越王為人長頸烏喙可與共患難不可與共安樂子何不去耶

書法

書赦出之何譏失有罪也綱目書赦出之五相問何周紆虞誦楊彪上書下某獄皆釋無

罪之辭也惟賀若弼上書某坐事下獄為譏

夏四月突厥達頭可汗犯塞詔晉王廣等擊却之

突厥達頭可汗犯塞詔晉王廣及楊素漢王諒及史萬歲分道擊之長孫晟毒水上流突厥人畜多死大驚夜遁晟追之斬首千餘級萬歲出塞與虜遇達頭遣使問隋將誰候騎報史萬歲也達頭懼而引去萬

歲馳追百餘里縱擊大破集覽毒水上流置毒藥于
之逐北入磧數百里而還水之上流也左傳襄
十四年晉伐秦濟涇而次秦逐北注見周赧
人毒涇上流師人多死即此質實王三十一年

六月秦王俊卒國除

俊久疾未能起遣使奉表陳謝帝謂其使者曰我戮
力創業作訓垂範汝為吾子而欲敗之不知何以責
汝俊慚怖疾遂篤六月卒上哭之數聲而已俊所為
侈麗之物悉命焚之僚佐請立碑上曰欲求名一卷
史書足矣何用碑為若子孫不能保家徒與人作鎮
石耳俊子浩崔妃所生庶子曰湛羣臣希旨奏二子
母皆有罪不合承嗣帝
從之以秦國官為喪主

書法

國除未有不書故者據燕王建長沙王芮雅
陽張昌等不書故無故也秦王好內崔妃毒

之致疾信有過矣遣使陳謝帝峻責之遂使慚怖而卒崔妃之子固以母罪廢之俊有庶子亦廢不立帝之寡恩甚矣直書國除甚帝也

冬十月廢太子勇為庶人

初帝使太子勇參決政事時有損益帝皆納之勇性寬厚率意任情無矯飾之行帝性節儉勇嘗飾蜀鎧帝見而不悅戒之曰自古帝王未有好奢侈而能久長者汝當以儉約為先乃能奉承宗廟吾昔日衣服各留一物時復觀之以自警戒今賜汝以我舊所帶刀一枚并葢醬一合汝昔作上士時常所食也若存記前事應知我心後遇冬至百官皆詣勇勇張樂受賀帝不悅下詔停之自是恩寵始衰漸生猜阻勇多內寵貽訓雲氏尤幸其妃元氏無寵遇疾而薨獨孤后意有其他深以責勇然貽訓自是遂專內政生長

寧王儼及平原王裕安成王筠諸姬子又數人后彌不平遣人伺求勇過晉王廣知之彌自矯飾後庭有子皆不育后由是素稱廣賢大臣用事者廣皆傾心與交帝及后每遣左右至廣所廣必與蕭妃厚禮之往來者無不稱其仁孝帝與后嘗幸其第廣悉屏匿美姬于別室惟留老醜者衣以縵綵給事左右屏帳改用繡素故絕樂器之弦不令拂去塵埃帝見之喜由是愛之特異諸子嘗密令來和遍視諸子對曰晉王貴不可言廣美姿儀敏慧嚴重好學能文敬接朝士由是聲名籍甚自揚州入朝將還鎮入宮辭后伏地流涕曰臣性識愚下不知何罪失愛東宮恒蓄盛怒欲加鴆毒后忿然曰覲地伐漸不可耐我為之娶元氏女竟不以夫婦禮待之專寵阿雲使有如許豚犬前新婦遇毒而死我亦不能窮治何故復于汝發如此意我在尚爾我死後當魚肉汝乎每思東宮竟無正嫡至尊千秋萬歲之後遣汝等兄弟何阿雲兒

前再拜問訊此是幾許苦痛邪廣又拜鳴咽不能止
后亦悲不自勝自是后決意欲廢勇立廣矣司馬張
衡為廣畫奪宗之策廣問計于安州總管宇文述述
曰皇太子失愛已久令德不聞大王仁孝著稱才能
蓋世數經將領頻有大功主上內宮咸所鍾愛四海
之望實歸大王然廢立大事未易謀也能移主上意
者唯楊素耳素所與謀者唯其弟約述雅知約請朝
京師與約圖之廣大悅多齎金寶資述入闕約時為
大理少卿述請約與飲博陽不勝以所齎金寶盡輸
之因說之曰此晉王之賜今述與公為歡樂耳約驚
問故述曰道廣意且說之曰公兄弟功名蓋世當塗
用事有年矣朝臣為足下家所屈辱者可勝數哉又
儲后以所欲不行每切齒于執政主上一旦棄群臣
公亦何以取庇哉今太子失愛于皇后主上素有廢
黜之心請立晉王在賢兄之口耳誠能因此時建大
功王心永銘骨髓斯則去累卵之危成泰山之安矣

約然之以白素素聞之大喜後數日入侍宴微稱晉
王孝悌恭儉有類至尊后泣曰公言是也阿廢大孝
愛親地伐常欲潛殺之素曰威言太子不才后遂遺
素金使贊帝廢立勇頗知之憂懼計無所出使人造
諸厭勝帝又使素觀勇所為素至東宮還言勇怨望
恐有他變帝益疑之后又遣人伺覘東宮纖芥事皆
聞奏因加誣飾以成其罪帝遂疎忌勇東宮宿衛名
籍悉令屬諸衛府有勇健者咸屏去之廣又令段達
私賂東宮幸臣姬威令伺太子動靜密告楊素于是
內外誼謗過失日聞段達目脇威告之九月詔執左
庶子唐令則等數人付所司訊鞠命楊素陳東宮事
狀以告近臣帝曰此兒不堪承嗣久矣皇后恒勸我
廢之我以布衣時所生地復居長望其漸改隱忍至
今其婦初亡我疑其遇毒嘗責之勇懟曰會殺元孝
矩此欲害我而遷怒耳長寧初生朕與皇后共抱養
之自懷彼此連遭來索且雲定興女在外私合而生

想此何必是其體屑儻其非類便亂宗祏我終不以萬姓付不肖子我恒畏其加害如防大敵今欲廢之以安天下左衛大將軍元昊諫曰廢立大事詔旨若行後悔無及讒言固極惟陛下察之帝不應命姬威患陳太子罪惡成對曰嘗令師姥卜吉凶語臣云至尊忌在十八年此期促矣帝泣然曰誰非父母生乃至于此于是禁勇及諸子黨與楊素鍛鍊以成其獄居數日有司奏元昊嘗曲事勇在仁壽宮勇以書與之題云勿令人見帝乃執昊威又言至尊在仁壽宮太子常飼馬千匹云徑往守城門自然餓死素以威言詰勇勇不服曰竊聞公家馬數萬匹勇忝備太子馬千匹乃是反乎素又發東宮服翫似加凋飾者患陳之于庭以示文武為太子之罪帝及后迭遣使責問勇勇不服十月使人召勇勇驚曰得毋殺我耶帝戎服陳兵御武德殿集百官諸親引勇及諸子列于殿庭宣詔廢勇及其男女並為庶人勇再拜泣下舞

蹈而去左右莫不閤默長寧王儼上表請宿衛辭情
哀切帝覽之閤然楊素進曰伏願聖心同于螯手不
宜復留意遂詔元昊唐令則鄒文騰等誅戮有差移
勇于內史省賞楊素物三千段文林郎楊孝政上書
諫曰皇太子為小人所誤宜加訓誨不宜廢黜帝怒
撻其胷初雲昭訓父定興出入東宮無節數進其奇
服異器以求悅媚左庶子裴政屢諫勇不聽政謂定
興曰公所為不合法度又元妃暴薨道路籍籍此于
太子非令名也公宜自引退不然將及禍定興以告
勇勇疎政出之唐令則為勇所昵狎每令以弦歌教
內人右庶子劉行本責之曰庶子當輔太子以正道
何有取媚于房帷之間哉令則甚慙而不能改劉臻
明克讓陸爽並以文學為勇所親行本怒其不能調
護每謂三人曰卿等止解讀書耳夏侯福嘗于閤內
與勇戲大笞聲聞于外行本付執法者治之數日勇
為之請乃釋之勇嘗得良馬欲令行本乘而觀之行

本正色曰至尊令臣輔導殿下非弄臣也勇慚不止及勇敗二人已卒帝歎曰向使裴政劉行本在勇不至此勇嘗宴宮臣唐令則自彈琵琶歌斌媚娘洗馬李綱起白勇曰令則身為宮卿職當調護乃于廣坐自比倡優進淫聲穢視聽事若上聞豈不為殿下之累邪臣請速治其罪勇曰我欲為樂耳君勿多事綱遂趣出至是帝召東宮官屬切責之皆惶懼無敢對者綱獨曰廢立大事今文武大臣皆知其不可而莫敢發言臣何敢畏死不一為陛下別白言之乎太子性本中人可與為善可與為惡向使陛下擇正人輔之足以嗣守鴻基今乃以唐令則為左庶子鄒文騰為家令二人唯知以弦歌鷹犬娛悅太子安得不至于是邪此乃陛下之過非太子之罪也因伏地流涕嗚咽帝慘然良久曰李綱責我非為無理然我擇汝為宮臣而勇不親任雖更得正人何益哉對曰臣之所以不被親任者良由奸臣在側故也陛下但斬令

則文騰更選賢才以輔太子安知臣之終見疎棄也
自古國家廢立冢嫡鮮不傾危願陛下深留聖意無
貽後悔帝不悅罷朝左右皆為之股栗會尚書右丞
缺有司請人帝指綱曰此佳右丞也即用之

集

覽

菹醬菹臻魚反說文以米粒和酢以漬菜也菹通
作菹周禮七菹菹菁芹葵茆落荀是也醬醢也菜

菹亦為之醬禮記內則芥醬上士官名也昭訓猶昭
儀之類睨地代太子勇小字睨胡典反阿廢晉王廣
小字廢莫婆反厭勝厭與獸通音益涉反鎮也禳也
亦勝也地復居長地猶言位也長展兩反宗祐謂宗
社也禮有郊宗祐室左傳莊十四年典司宗祐注宗
祐宗廟中歲主石室也泣然泣胡猷反淚流貌鍛鍊
注見漢宣帝地節三年螫手螫音釋蟲行毒也弄臣
案漢書注弄戲也謂專狎褻無關大體斌媚娘曲名
也斌音武字通作嫵漢書
相如上林賦嫵媚丹弱

質實

冬至即日南至也謂
日極南至于牽牛則

為冬至又曰自秋分日行南陸至冬至日日南極矣
故曰日南至今之冬至也長寧縣名注見漢和帝永
元十二年移歸平原縣名注見陳宣帝太建八年安
德安成縣名注見宋明帝泰始三年聲名籍甚謂聲
名之甚盛也揚州注見漢武帝元朔五年淮南東宮
注見梁武帝中大通元年安州注見周世宗顯德五
年京師注見周顯王二十五年累卵之危注見漢獻
帝建安二年仁壽宮注見開皇十三年劉行本沛人
劉臻沛國相人明克讓平原高山人山賓之子陸爽臨
漳人琵琶樂器注見開皇九年斌媚娘曲名注見唐
中宗景龍二年洗馬官名注見晉武帝泰始三年李
綱觀州蔣人倡優女樂也注見漢昭帝元平元年股
栗股髀幹也栗
戰兢恐懼也

發明

隋帝以刑名治天下故見于綱目所書者法
律禁錮殺戮貶斥之事為多而忠厚寬仁撫

摩教養之政一毫無有也五子皆出于獨孤固無嫡庶之分然前此三年秦王俊既以罪免至是卒而國除畧無父子主恩之意帝之所為固可想矣若夫太子國儲副君非有大惡未易輕動今乃惑于獨孤之說曲成其罪率然廢之太子不能辨朝紳不敢言獨有附會誣罔者乃得志耳隋文持法之弊一至於此昔秦政以法毒天下而扶蘇不得其死一傳胡亥國遂以亡隋氏之失亦大類此綱目書廢太子勇而不言其罪則勇之見廢無罪可知夫國莫重于太子且以無罪廢之況他人乎吁

殺太平公史萬歲

萬歲伐突厥還楊素忌之奏寢其功會廢太子萬歲方與將士在朝堂稱寃帝問萬歲何在素曰謁東宮矣帝以為然召之既見帝言將士有功為朝廷所抑詞氣憤厲帝大怒令左右操殺之既而追之不及天

下共冤

集覽

擄殺擄弼角反
博雅云擊也

十一月立晉王廣為皇太子是日天下地震

廣請降章服官官不稱臣許之以宇文述為左衛率
郭衍為左監門率亦預奪宗之謀也帝因故太子勇
於東宮付廣掌之勇頻請見上申冤而廣遏之不得
聞初帝之克陳也天下皆以為將太平監察御史房
彥謙私謂所親曰主上忌刻而苛酷太子卑弱諸王
擅權天下雖安方憂危亂其子玄齡亦密言于彥謙
曰主上本無功德以詐取天下諸子皆驕奢不仁必
自相誅夷今雖承平其亡可翹足待彥謙法受之玄
孫也高孝基名知人見玄齡歎曰僕閱人多矣未見
如此即者異日必為偉器恨不見其大成耳見杜果
之兄孫如晦謂曰君有應變之才

集覽

左衛率注見
晉惠帝元康

必任棟梁之重俱以子孫託之

九年質實

房彥謙臨淄人杜果京兆杜陵人

書法

地震之辭有三某郡地震者一方之辭也槩書地震者非一方之辭也天下地震者無一

方不震之辭也然則書是日何捷也綱目于天地之變書是日者三漢哀帝用丁傳而是日日食桓帝微行而是日大風拔樹晝昏隋文立廣而是日天下地震綱目皆揭是日書之所以著感應之捷也天下地震終綱目一書而已矣

發明

綱目書地震多矣未聞有書天下地震者夫震必有方則書曰某地某州是也或所震不

一則泛書地震而不言其所亦有之矣曾未聞以天下書也前史載戊子立廣為太子天下地震至綱目變文上不書戊子而下書是日言是日則其理益明蓋深表地震之由繫于立廣之日所以起

後世之疑欲使之推原其故耳夫太子承祧主器將以鎮安海宇今乃于正位之日舉四海九州之大同日地震變異若此其為傾覆必矣然是時既已廢立則亦將若之何母亦考問罪否推究得失少有疑似則躍然知悟速為之所庶幾少答天地之變而免于覆亡之禍可也夫何帝之觀此漫不加省遂至末年身不自保則天亦末如之何矣天之警告人主未有若是之明著者而帝不之寤哀哉

禁毀佛天尊及神像

帝晚年深信佛道鬼神故有是詔

發明

所謂像者非繪畫摹塑則雕刻耳以其像人猶禁毀之乃于人而輕殺焉則其所為亦不

類矣故書
以譏之

徵同州刺史蔡王智積入朝質實

同州注見唐玄宗開元十一年

智積帝之弟子也性修謹門無私謁自奉簡素帝甚
憐之智積有五男止教讀論語孝經不令交通賓客
或問其故智積曰卿非知我者
其意恐諸子有才能以致禍也
集覽
蔡州名注見漢光武建武十九年

以王伽為雍令

齊州行參軍王伽送流囚李參等七十餘人詣京師
行至滎陽謂曰卿輩自犯國刑身嬰縲紲固其職也
重勞援卒豈不愧心參等辭謝伽乃悉脫其枷鎖停
援卒與約曰某日當至京師如致前却吾當為汝受

死遂捨之而去流人感悅如期而至一無離叛帝聞而驚異召見與語稱善久之于是悉召流人宴而赦之因下詔曰使官盡王伽民皆李集覽如致前却若參刑厝其何遠哉乃擢伽為雍令集覽至期日而或前或却刑厝注見漢文帝十三年刑錯之風雍令雍縣令也漢地志雍縣屬扶風郡百官表萬戶以上為令減萬戶為長質實王伽河間章武人滎陽縣名注見秦莊戶為長質實王伽元年縲紲黑索也紲鐵轡也古者獄中以黑索拘繫罪人雍縣名注見周顯王八年

書法

令不書書王伽錄賢也自是至唐書以為令長者往往多貶黜者矣終綱目書以為令十

二詳泰丙午年貶黜者
十唯王伽徐愉為升焉

辛
仁壽元年春正月改元

初太史令袁充表曰京房有言太平日行上道升平
行次道霸代行下道蓋日去極近則景短而日長去
極遠則景長而日短今自隋興晝日漸長開皇元年
冬至之景長一丈二尺七寸二分自爾漸短至十七
年短于舊三寸七分矣上臨朝謂百官曰日長之慶
天之祐也今當改元宜取此意以為號仍命百工作
後並加程課
丁匠苦之
集覽
景短樞要云日光
曰景日影曰晷

書法

非始建國不書改元此何以書譏也于是袁
充奏言開皇以來冬至之景漸短至十七年

短于其舊三寸七分其說曰京房有言太平日行
上道于是改元仁壽然考其時日食地震變異迭
見其不為太平明矣豈是年始用新厯冬至有差
故歟綱目特書改元譏相蒙也是故漢感諂者之
言而改章和則書改元章帝章和元年魏感諂之
之言而改太平真君則書改元宋文帝元嘉十七

年隋信袁充之言而改仁壽則書改元是年皆譏也

發明

改元罕有書而此書之者著其日長誣罔之說也

以蘇威為僕射○二月朔日食○夏五月突厥九萬口

來降○六月遣十六使巡省風俗○廢太學及州縣學

改國子為太學

詔以學校生徒多而不精唯簡留國子學生七十人太學四門及州縣學並廢劉炫上表切諫不聽尋改國子為太學

書法

尋改國子為太學矣則其書廢何傷之也晉嘗罷遣大學生徒穆帝永和八年曰軍興故

也齊嘗罷國子學壬戌年曰國衰故也隋方盛時無故有此識者有以知其不永也

發明

漢宣帝以刑名繩下故作色于用儒之請然未至于廢學校也隋文以文法自矜其視儒

學若將免焉遂至盡廢而後已殆與焚書坑儒相去無幾直書于冊足以遺臭千古矣

冬十一月祀南郊

初帝受周禪恐民心未服故多稱符瑞以耀之其偽造而獻者不可勝計至是郊祀板文備述以報謝云

書法

常祀不書書此何譏也郊也何譏譏謝瑞應也隋文以智力取天下故樂假符瑞以一衆

心頌靈感志欺人也郊謝瑞應欺天也

以衛文昇為遂州總管集覽

遂州注見宋文帝元嘉九年遂寧

山獠作亂資州刺史衛文昇初到官單騎造其營說以利害渠帥感悅解兵而去前後歸附者十餘萬口帝大悅故質實資州注見漢光武建武十一年資有是命中渠帥注見唐代宗廣德元年

以馮盎為漢陽太守

潮成等五州獠反高州首長馮盎馳詣京師請討之帝敕楊素與盎論賊形勢素歎曰不意外蕃中有如是人即遣盎發江嶺兵擊質實潮州注見唐憲宗元之事平除盎漢陽太守和十年一統志云成

州本漢之廣信縣地屬蒼梧郡梁置梁信縣及梁信郡魚置成州隋平陳郡廢改成州曰封州改梁信縣曰封川大業初以封興縣省入尋改州為蒼梧郡治封川縣唐復為封州天寶初改臨封郡乾元初復為封州宋紹興中州廢以縣屬德慶府尋復置元改置封州路後復為州至本朝省州縣改屬肇慶府高州

注見宋文帝元嘉八年漢陽郡名
注見漢獻帝建安二十二年下辨

壬戌二年春三月突厥入寇楊素擊破走之

突厥思力俟斤等南渡河大掠啓民人畜而去行軍
元帥楊素帥諸軍追擊轉戰六十餘里大破之悉得
人畜以歸啓民自是突厥遠遁磧南無復寇抄
酋長之稱也俟渠之反啓民開皇十九年以突利可汗為啓民可汗
年寇抄注見漢光武建武十五年

書法

于是突厥渡河掠啓民人畜而去其書人寇
何內啓民也啓民終身北藩斯可以內之矣

秋七月以韋雲起為通事舍人

兵部尚書柳述尚蘭陵公主怙寵使氣自楊素之屬皆下之帝問符璽直長韋雲起以外間不便事述時侍側雲起曰柳述驕豪未嘗經事兵機要重非其所堪臣恐物議以為陛下官不擇賢專私所愛斯亦不便之大者帝甚然之顧謂述曰雲起之言汝藥石也可師友之會詔内外官各舉所知述舉雲起除通事舍人

質實

蘭陵縣名注見漢光武建武四年

徵蜀王秀還京師

益州總管蜀王秀容貌瓌偉有膽氣好武藝帝每謂獨孤后曰秀必以惡終我在當無慮至兄弟必反矣大將軍劉瓚之討西爨也帝令楊武通將兵繼進秀以嬖人萬智光為武通行軍司馬帝譴責之因謂群臣曰壞我法者子孫也譬如猛虎物不能害反為毛間蟲所損食耳自長史元巖卒秀漸奢僭車馬被服

擬於乘輿及晉王廣為太子秀意甚不平太子恐其為患陰令楊素求其罪而譖之帝遂徵秀秀猶豫欲謝病不行司馬源師諫秀作色曰此自我家事何預卿也師垂涕對曰師忝忝府幕敢不盡心救追已淹時月王乃遷延未去聖上發雷霆之詔降一介之使王何以自明願熟計之朝廷恐秀生變以獨孤楷為益州總管馳傳代之楷尋諷諭久之乃就路楷察秀有悔色因勒兵為備秀行四十餘里將還罷楷覘知有備質實楊武通華陰人乘輿注見漢安帝乃止

延光四年府幕注見秦王政三年

八月皇后獨孤氏崩

后崩太子對帝及宮人哀慟氣絕若不勝喪者其處私室飲食言笑如平常又每朝令進二溢米而私取肥肉脯鮓置竹簞中以集覽二溢米謂朝一溢米莫蠟閉口衣襪裹而納之

一溢米也注見陳宣帝

太建六年

書法

自宋以來后崩葬不悉書非皇后畧之也于是而後復書至唐德宗一書皇后崩而不書

氏不書葬自是無書皇后崩者矣

冬十月以楊達為納言閏月詔修定五禮

詔楊素蘇威與牛弘等修之

葬獻皇后考證

溫公書儀隋煬帝為太子居文獻皇后喪據此獻上當有文字疑漏

帝令上儀同三司蕭吉為皇后擇葬地得吉處云卜年三千卜世二百帝曰吉凶由人不在乎地然竟從吉言吉退告人曰皇太子遣宇文左率深謝余云公前稱我當為太子竟有其驗今卜山陵令我早立當

以富貴相報吾語之曰後四載太子御天下然太子得政隋必亡矣吾前給云三千者三十也二百者二

傳也汝其識之

十二月廢蜀王秀為庶人除治書侍御史柳或名配懷

遠鎮

蜀王秀至長安帝不與語使使切讓之秀謝罪太子諸王流涕庭謝帝曰頃者秦王靡費財物我以父道訓之今秀蠹害生民當以君道繩之於是付執法者開府慶整諫曰庶人勇既廢秦王已薨陛下見子無多何至如是蜀王性甚耿介今被重責恐不自全帝大怒欲斷其舌因謂群臣曰當斬秀于市以謝百姓乃令楊素等推治之太子陰作偶人縛手釘心枷鎖杻械書帝及漢王姓名密埋之華山下楊素發之又

云秀妄述圖讖并作檄文置秀集中以聞帝曰天下
寧有是耶乃廢秀為庶人幽之內侍省素嘗以少譴
敕送南臺命治書侍御史柳或治之或據案坐立素
於庭辨詰事狀素由是銜之秀嘗從或求李文博所
撰治道集或與之秀遺或奴婢十口及秀得罪素奏
或以內臣交通諸侯除名為民配戍懷遠鎮久之貝
州長史裴肅遣使上書曰高潁以天挺良才元勲佐
命為衆所疾以至廢棄願陛下錄其大功忘其小過
又二庶人得罪已久寧無草心願陛下弘君父之慈
顧天性之義各封小國觀其所為若能遷善漸更增
益如或不悛貶削非晚書奏帝謂楊素曰裴肅憂我
家事此亦至誠也于是徵肅入朝太子聞之謂左庶
子張衡曰使勇自新欲何為也衡曰觀肅之意欲
令如吳太伯漢東海王耳肅至帝面諭而罷之

集

覽

偶人史記殷本紀帝武乙無道為偶人謂之天神
正義曰偶五苟反對也以土木為人對象于人形

也吳太伯注見漢後主延熙十五年太伯順父之志
漢東海王漢光武郭后所生子注見唐高祖武德五
年質實耿介注見陳武帝永定二年華山注見周安
徽文注見楚義帝元年懷遠鎮注見漢武帝元朔元
年朔方貝州注見漢帝玄更始二年清河裴肅河東
人

書法

秀奢僭有罪矣其以無罪書何廢不以其罪
也于是廣素誣秀上信廢之故或亦以無罪

例書
之矣

詔楊素三五日一入省論大事

素兄弟諸父並為尚書列卿諸子位至柱國刺史廣
營資產家僮數千妓妾亦千數第宅華侈制擬宮禁

既廢太子及蜀王威權愈盛違忤者誅夷附會者進擢朝廷靡然莫不畏附敢與抗者獨柳或及尚書右丞李綱大理卿梁毗而已始毗為西寧州刺史十一年蠻夷酋長皆以金多者為豪雋遞相攻奪畧無寧歲毗患之後因諸酋長相帥以金遺毘毘置金坐側對之慟哭而謂之曰此物饑不可食寒不可衣汝等以此相滅不可勝數今將此來欲殺我邪一無所納于是蠻夷感悟遂不相攻擊帝聞而善之徵為大理卿處法平允毘見素專權恐為國患乃上封事曰臣聞臣無有作威作福其害于而家凶于而國今楊素幸遇愈重權勢日隆所私皆非忠謹所進咸是親戚子弟布列魚州連縣天下無事容息異國四海有虞必為禍始陛下若以素為阿衡臣恐其心未必伊尹也伏願揆鑒古今量為處置俾鴻基永固率土幸甚書奏帝大怒收毘繫獄親詰之毘極言素擅寵弄權殺戮無道又太子及蜀王罪廢之日百僚無不震悚

惟素揚眉奮肘喜見容色利國家有事以為身幸帝
乃擇之其後帝亦寢踈忌素乃下敕曰僕射國之宰
輔不可躬親細務三五日一向省評論大事外示優
崇寔奪之權也素由是不復通判省事出楊約為伊
州刺史于是吏部尚書柳述益用事叅掌機密素深
惡之太子嘗問于賀若弼曰楊素猛將非謀將韓擒虎
稱良將其優劣何如弼曰楊素猛將非謀將韓擒虎
關將非領將史萬歲騎將非大將太子曰然則大將
誰也弼拜曰惟殿下
所擇弼意自許也
質實
梁毘安定烏氏人越之孫
西寧州注見唐肅宗上元
元年阿衡注見漢宣帝地節四年
伊州注見漢明帝永平十五年

交州俚帥作亂遣總管劉方討降之

交州俚帥李佛子作亂楊素薦瓜州刺史劉方有將
帥之畧詔以為交州道行軍總管統二十七營而進

方軍令嚴肅有犯必斬然仁愛士卒有疾病者親臨撫養士卒亦以此懷之踰嶺遇賊擊破之進軍臨營諭以禍福佛

質實

交州注見唐宣宗大中二年安南劉方京兆人瓜州注見漢武帝元

朔三年
燉煌

癸亥
三年秋八月幽州總管燕榮有罪誅

榮性嚴酷鞭撻左右動至千數元弘嗣當為幽州長史懼固辭帝乃敕榮曰弘嗣杖十已上皆須奏聞榮怒遣弘嗣監納倉粟颺得一糠一粃輒罰之每笞雖不滿十然一日之中或至三數久之遂收付獄絕其糧其妻詣闕稱冤帝遣使案驗徵

質實

元弘嗣河南人

發明

孔子曰天下有道則見無道則隱夫所謂無道者豈直兵戈禍亂之世而已凡其君道操

切禁網嚴密風俗澆浮者皆是也隋文之世在廷
之臣非刀筆俗吏則介冑武夫往往互相傾軋况
其君方以法律御天下畧無一毫寬大待士之意
蓋嘗詔諸司論屬官罪聽律外決杖矣今燕榮總
管幽州元弘嗣為其長史日受鞭笞甚至付之圜
圉絕其糧廩必欲置之死地而後已夫長史為屬
官之長所當禮貌而加敬者苟或有過則宜奏之
于朝黜之可也烏可待以卒伍廝役之賤而笞箠
之哉隋文于此方且戒以杖十以上皆須奏聞及
其肆虐已甚又從而誅之夫杖一猶且不可況至
十乎隋之所以待士大夫者如此士君子苟有廩
耻之心稍知自愛者烏可一日安于其位哉綱目
直書榮以罪誅而以分注簡載其寔後之君
子欲知隋世宦達之士者于此可以觀矣

九月置常平官考異

提要官
作倉

○龍門王通獻策不報

通詣闕獻太平十二策帝不能用罷歸通遂教授于河汾之間弟子自遠至者甚衆累徵不起楊素甚重之勸之仕通曰通有先人之弊廬足以庇風雨薄田足以供饗粥讀書談道足以自樂顓頊公正身以治天下使時和年豐通也受賜多矣不願仕也或譖通于素曰彼寔慢公公何敬焉素以問通通曰使公可慢則僕得矣不可慢則僕失矣得失在僕公何預焉素待之如初弟子賈瓊問息諺通曰無辨問止怨曰不爭通嘗稱無赦之國其刑必平重斂之國其財必削又曰聞謗而怒者讒之國也見譽而喜者佞之媒也絕國去媒讒佞遠矣大業末卒於家門人謚曰文中子胡氏曰隋文在位二十有三年其賢其否固哲士所量以行藏其道者使王通而不知或知之而猶與之言皆不足以為智矣且通誠有太平之策不待君之求之而登門自獻不懼自處之不重亦豈所以養其君尊德樂道之心而望之以大有為之功哉

集覽

簪粥簪通作饘記饘弓疏云厚曰饘質實一統志云

希曰粥因音訛鳥媒也以來生鳥

質實

志云

龍門邑名即古耿國殷王祖乙所都春秋時屬晉秦置皮氏縣漢屬河東郡魏晉皆屬平陽郡後魏改龍門縣又置龍門郡隋初郡罷以縣屬蒲州唐置泰州貞觀中州廢以縣屬絳州元和初屬河中府宋宣和初改為河津縣金屬榮州後復屬河中府元仍其舊本朝因之改屬平陽府

書法

策未有書獻者書獻策不報交譏之也終綱目獻書書不報者二漢成帝永始三年梅福

是年

王通

發明

隋文以刑法治天下廢太學黜儒道而王通以儒術說之宜其唾去不顧也先儒謂通為

隱君子使其教授河汾著書講道以沒其身亦何不可之有而必欲鼓瑟于齊王之門自取絀辱是

宣席珍待聘之君子哉直書獻策不報若王通者蓋亦可愧之甚矣惜哉

突厥啓民可汗歸國考異

提要無此句

突厥步迦可汗所部大亂鐵勒僕骨等十餘部皆叛降于啓民步迦西奔吐谷渾長孫晟送啓民置磧口啓民于是盡集覽鐵勒僕骨等十餘部鐵勒即敕勒有步迦之衆有十五部僕骨其一也骨或作固十餘部注見宋文質實突厥北方國名注見梁武帝元嘉七年敕勒大同十一年吐谷渾西域國名注見晉元帝建武元年

甲子四年春正月帝如仁壽宮○秋七月太子廣弑帝于

大寶殿而自立遂殺故太子勇流尚書柳述侍郎元巖

于嶺南

四月帝不豫七月疾甚卧與百僚辭訣握手歔越
四日崩于大寶殿高祖性嚴重令行禁止勤于政事
雖嗇于財至於賞賜有功即無所愛愛養百姓勸課
農桑輕徭薄賦自奉儉素乘輿御物故弊者隨令補
用非享宴不過一肉後宮皆服浣濯之衣天下化之
丈夫率衣絹布裝帶不過銅鐵骨角無綾綺金玉之
飾焉受禪之初民戶不滿四百萬末年踰八百九十
萬然猜忌苛察信受讒言功臣故舊無始終保全者
乃至子弟皆如仇敵初文獻皇后既崩帝以陳高宗
女為宣華夫人有寵及寢疾僕射楊素兵部尚書柳
述黃門侍郎元巖皆入閣侍疾詔太子入居殿中太
子慮帝有不諱湏預防擬手自為書封出問素素條
錄事狀以報宮人誤送帝所帝覽而大恚陳夫人旦
出更衣為太子所逼拒之得免上怪其神色有異問

故夫人泣然曰太子無禮上恚抵牾曰畜生何足付
大事獨孤誤我乃呼柳述元巖曰召我兒述等將呼
太子上曰勇也述巖出閤為敕書素聞以白太子矯
詔執述巖繫獄追東宮兵帖上臺宿衛門禁出入並
取宇文述郭衍節度令右庶子張衡入殿侍疾盡遣
後宮出就別室俄而上崩故中外頗有異論陳夫人
聞變戰栗失色晡後太子封小金合遣使者賜夫人
夫人以為鴆毒懼甚發之乃同心結也夫人恚而却
坐不肯致謝諸宮人共逼之乃拜使者其夜太子烝
焉明日發喪即位會楊約來朝太子遣約入長安矯
稱高祖之詔賜故太子勇死縊殺之然後陳兵集眾
發山間追封勇為房陵王不為置嗣除巖述名徙之
嶺南令蘭陵公主與述離絕欲改嫁之公主以死自
誓表請與述同徙帝大怒公主憂憤而卒胡氏曰隋
文疑所不當疑而加以謀逆之名信所不當信而被
其弑殺之禍亦可為聽北雞之晨忽主器之重者之

永監矣柳述元巖親逢事會則當白帝併召廣素質
問陳夫人正其罪而廢廣出諸外貽議故太子可立
則召之否則別命子孫之賢者素若不從請降詔旨
以軍法從事登時而宗社定矣乃出閤為詔受制于
賊俄頃之間轉福為禍述巖死有餘負矣

集覽

兵帖軍籍也一本作兵士
帖丞馬左傳桓十六年衛

宣公烝于夷姜注夷姜宣公庶母也上淫曰烝主器
之重易序卦主器者莫若長子謂主宗廟烹飪之器
者莫如承質實獻欵注見漢光武建武元年陳高宗
嗣之長子質實宣帝廟號高宗房陵縣名注見漢獻
帝建安二十四年牝雞之晨謂妻奪夫權也書牧誓
篇武王曰牝雞無晨惟家之索今商王受惟婦言是
用注牝雌也言雌雞不
能報曉張衡河內人

書法

賀善贊曰隋文之初綱目一書其官不聞有
功也周宣帝殂即書自為大丞相假黃鉞居

東宮不臣見矣于是尉遲迥書討堅而尉遲勤司馬消難王譙皆以舉兵書既而四書堅殺一書自為相國進爵隋王加九錫而以稱皇帝繼之矣稱帝之後書廢書弑至其滅宇文氏之族書盡則又蕭齊以來所未有也故突厥得以再書伐自是再書築長城七書殺無罪書盜升糧斬書聽律外杖書廢太學皆譏也然三書弗納叛人與夫減租調審死刑求遺書置義倉不許封禪綱目亦不沒其寔焉

發明

弑逆天下之大惡覆載之所不容况太子有父之親有君之尊其可輕加惡名使之為萬

世之罪人哉煬帝之事按之分注參之通鑑止謂中外頗有異論及考以北史隋史亦皆不載其事獨宣華夫人陳氏傳所述與通鑑畧同然皆不敢正名定罪今綱目乃大書楊廣弑父與君之事揭

而名之宣亦別有據耶始嘗疑之未得其的既而
推考至大業八年殺張衡之日衡臨死大言曰我
為人作何等事而望久活監刑者塞耳促令殺之
嗚呼楊廣弑逆之獄至是始得其正矣當廣令張
衡入殿侍疾之時盡遣後宮出就別室俄而上崩
是衡之為逆蓋無一人在旁得知之者迨其臨刑
之際始大言而發其姦此則天使賊黨正楊廣大
逆之誅耳綱目正名定罪直筆書之固非若許世
子止之不嘗藥而受此惡名者也嗚呼楊廣弑逆
之罪既明則義兵可舉人人得而誅之無所容于
天地之間矣

貶許善心為給事中

表充奏皇帝即位與堯受命年合諷百官表賀禮部
侍郎許善心議以為國哀甫爾不宜稱賀宇文述素

惡善心諷御史劾質實左遷注見漢宣
之左遷降品二等帝元康二年

并州總管漢王諒起兵晉陽遣楊素擊虜以歸殺之

諒有寵於高祖為并州總管自山以東至海南距河
五十二州皆隸焉特許以便宜從事諒自以所居天
下精兵處見太子勇蜀王秀得罪常不自安陰蓄異
圖言于高祖以突厥方強宜修武備于是繕治器械
招集私人殆將數萬突厥常寇邊諒禦之不克將帥
多坐除解諒以其宿舊奏請留之高祖怒曰爾為藩
王惟當敬依朝命何得私論宿舊廢國家憲法邪詔
議參軍王頴者僧辨之子倜儻好奇畧與蕭摩訶俱
不得志每鬱鬱思亂皆為諒所親善贊其陰謀會熒
惑守東井諒以儀曹傅爽曉星厯問之對曰東井黃
道所經熒惑過之乃常理耳諒不悅及高祖崩煬帝
以高祖璽書徵之先是高祖與諒密約若璽書召汝

敕字傍別加一點又與王麟符合則就徵及發書無
驗諒知有變遂發兵反司馬皇甫誕流涕諫曰竊料
大王兵資非京師之敵加以君臣位定逆順勢殊士
馬雖精難以取勝一旦陷身叛逆欲為布衣不可得
也諒怒囚之嵐州刺史喬鍾葵將赴諒其司馬陶模
拒之曰漢王所圖不軌公荷國厚恩當竭誠効命豈
得身為厲階乎鍾葵臨之以兵辭氣不撓義而釋之
于是從諒反者凡十九州王頔說諒曰王將吏家屬
盡在關西若用此等則宜長驅深入直據京都所謂
疾雷不及掩耳若但欲割據舊齊之地宜任東人諒
不能決乃兼用二策唱言楊素反將誅之兵曹裴文
安說諒曰分遣羸兵屯守要害仍令隨方畧地帥其
精銳直入蒲津頓於霸上則京師震擾兵不暇集旬
日之間事可定矣諒大悅于是遣諸將分道四出署
文安為柱國與統軍貴王昉等直指京師諒簡精銳
數百騎戴羃離詐稱宮人還長安徑入蒲州城中豪

傑亦有應之者文安等未至蒲津百餘里諒忽改圖令統單貴斷河橋守蒲州而召文安還代州總管李景發兵拒諒諒遣喬鍾葵帥兵三萬攻之景戰士不過數千加以城池不固攻輒崩毀景且戰且築士皆死闢鍾葵屢敗景司馬馮孝慈司法呂玉並驍勇善戰儀同三司侯莫陳又多謀畫善拒守景推誠任之已無所預唯在閤持重時出撫循而已楊素將輕騎五千罷蒲城夜至河陰收商賈船得數百艘置草其中踐之無聲遂銜枚而濟遲明擊之單貴敗走聘以城降詔以素為并州道行軍總管帥衆數萬以討諒諒之初起兵也妃兄豆盧毓為府主簿苦諫不從私謂其弟懿曰吾匹馬歸朝自得免禍此乃身計非為國也不若且偽從之徐伺其便毓兄賢言于帝曰臣弟毓素懷志節必不從亂臣請從軍與毓為表裡諒不足圖也帝許之賢密遣家人以敕書喻毓諒將往介州令毓與總管屬朱濤留守毓與濤謀出兵拒之

濟不可毓追斬之出皇甫誕與謀部分未定諒聞之
還擊毓誕皆死諒將慕容良攻磁相不克遂攻黎州塞
白馬津余公理自太行下河內帝以史祥為行軍總
管軍河陰祥曰公理輕而無謀恃衆而驕不足破也
乃于下流潛濟公理聞之引兵逆戰未及成列祥擊
敗之遂趣黎陽慕容良軍潰帝將發幽州兵疑總管竇
抗有貳心以李子雄為上大將軍又以長孫晟為相
州刺史發山東兵與子雄共經畧之晟辭以男在諒
所帝曰公體國之深終不以兇害義子雄馳至幽州
止傳舍召募得千餘人抗來謁子雄伏甲擒之遂發
其兵步騎三萬自井陘西擊諒李景被圍月餘詔朔
州刺史楊義臣救之義臣帥馬步二萬夜出西陞喬
鍾葵患衆拒之義臣自以兵少恚取軍中牛驢得數
千頭令兵數百人持一鼓潛驅之匿于澗谷間晡
後復戰兵合命驅牛驢者鳴鼓疾進塵埃張天鍾葵
軍潰縱擊破之諒遣其將趙子開擁衆十萬柵絕徑

路屯據高壁布陳五十里素令諸將以兵臨之自引
奇兵潛入霍山緣崖谷而進營於谷口使軍司簡留
三百人守營軍士憚北軍之強多願守營素聞之即
召所留三百人悉斬之更令簡留無願留者素乃引
軍馳出北軍之北直指其營鳴鼓縱火北軍不知所
為自相蹂踐殺傷數萬諒聞之大懼自將兵十萬拒
素會大雨欲引還王頴諫曰楊素懸軍深入士馬疲
弊王以銳卒自將擊之其勢必克今乃望敵而退是
沮戰士之心而益西軍之氣也願王勿還諒不從頴
謂其子曰氣候不佳兵必敗矣楊素進擊諒大破之
擒蕭摩訶諒退保晉陽素進兵圍之諒窮蹙請降頴
自殺羣臣奏諒當死帝不許除名為民竟以幽死所
部吏民坐死徙者二十餘萬家胡氏曰舉兵必有其
名立事不可行詐隋文之崩中外異論諒所被書不
如私約即可用此申問大行寢疾晏駕不明之故以
十九州附從之衆用王頴長驅深入之策天不共戴

死生以之豈不忠孝兩得乎而詭言素反詐而無名
是自為逆也而可乎○初高祖與獨孤后甚相愛重
誓無異生之子嘗謂羣臣曰前世天子溺於嬖幸嫡
庶分爭或至亡國朕旁無姬侍五子同母可謂真兄
弟也豈有此憂邪又懲周室諸王微弱故使諸子分
據大鎮及其晚節迭相猜忌五子皆不以壽終司馬
公曰昔辛伯諗周桓公曰內寵並后外寵貳政嬖子
配嫡大都耦國亂之本也隋高祖知嫡庶之多爭孤
弱之易搖曾不知勢鈞位逼雖同產至親不能
無相傾奪考諸辛伯之言得其一而失其三乎**集覽**
王頊姓名頊音跬個儻卓異也或曰不羈之士也個
他厯反儻他曩他浪二反玉麟符唐車服志初高祖
罷隋竹使符班銀莧符其後改為銅魚符以起軍旅
兩京北都留守給麟符六典云傳符之制京師留守
曰玉麟符嵐州本胡地樓煩王所居漢為太原郡地
元魏置嵐州嵐盧舍反厲階詩桑桑篇誰生厲階至

今為梗注屬惡梗病也左傳曰階之為禍紇單貴紇姓也單貴其名紇下沒反單上演反戴幕離幕音莫狄反離通作羅音力支反唐會要曰唐初宮人著幕離而全身障蔽雖起自戎夷王公之家亦用之永徽之後唯戴皐羅方五尺亦曰幞頭即今之盖頭侯莫陳三字姓注見梁武帝中大通二年遲明索隱曰遲音穉有所待也言待天明也或曰事畢然後天明明遲於事故曰遲明總管屬朱濤乃總管之僚屬也綦良姓名綦音渠支反太行山名也注見周安王十五年輕而無謀左傳輕則寡謀注輕牽正反言不持重也太行注見漢昭帝元平元年天不共戴記曲禮曰父之讐弗與共戴天注父者子之天殺已之天與共戴天非孝子也行求殺之乃止昔辛伯諗周桓公此句下至亂之本也並左傳閔二年文注辛伯周大夫也周桓公即周公名黑肩諗音審告也說文云深謀也事在桓十八年初子儀有寵于桓王桓王屬之周

公辛伯諫曰並后匹嫡兩政耦國亂之本也周公弗從後周公欲弑莊王而立王子克辛伯告莊王遂殺也周公黑肩注王子克莊王弟子儀也並后妾如后配嫡庶如嫡也兩政臣擅命也耦國都如國也質

實

高祖隋文帝廟號高祖王頊祁縣人熒惑守東井注見晉安帝隆安元年傅奕相州人黃道注見唐

玄宗開元九年皇甫誕安定人嵐州注見周赧王八年樓煩不軌注見漢靈帝光和五年要害注見漢文

帝十一年蒲津關名注見梁武帝大同元年蕭上注見秦王政二十二年蒲州注見周赧王十二年蒲坂

代州注見秦王政三年鴈門蒲城注見晉懷帝永嘉二年街枚注見秦二世二年豆盧毓昌黎人勸之子

介州注見周威烈王二十三年西河一統志云磁州名本秦邯鄲郡地漢為魏郡武安縣地後魏析置臨水縣後周割臨水置滏陽縣及成安郡隋罷郡于滏陽置磁州後罷唐改為惠州後復為磁州宋以昭義

縣省入滏陽元初陞為滏源軍節度屬廣平路後復
為磁州本朝并省滏陽縣入焉改屬彰德府相州
名注見漢元帝建昭二年魏郡黎州注見漢成帝綏
和三年黎陽白馬津注見漢王邦三年河內郡名注
見宋順帝昇明元年懷州河陰縣名注見漢光武建
武十五年黎陽縣名注見漢成帝綏和三年實抗岐
州人軌之兄子井陘縣名注見秦孝文王十八年朔
州注見漢高帝六年馬邑西陘山名注見漢文帝後
元六年句注霍山在平陽府霍州東南三十里接趙
城界周為冀州之鎮今為中鎮晉陽縣名注見周威
烈王二十三年晏駕
注見漢高帝十二年

書法

書起兵何賊廣也然則曷為不書討諒不以
討賊名也于是廣以高祖盟書名諒諒發書

無驗唱言素反起兵討之
則未聞大寶殿之事矣

發明

隋文之終中外頗有異論諒若能正名舉兵問大行晏駕之由則綱目當以討賊之詞書

之今乃詐稱楊素反則非其名矣此所以特書起兵者姑以是而著楊廣之罪而非以是子諒也其

旨微矣

冬十月葬泰陵質實

一統志云泰陵在西安府武功縣西南二十里三時原

○除

婦人及奴婢部曲之課令男子二十二成丁○十一月

帝如洛陽

章仇太翼言于帝曰陛下木命雍州為破木之衝不可久居又識云修治洛陽還晉家帝以為然遂幸洛

陽留晉王集覽章仇質實

雍州注見唐玄宗開元十一年京兆洛陽縣名注見

周顯王三年長安縣
名注見漢惠帝五年

塹龍門達上洛以置關防

發丁男數十萬掘塹自龍門東接長平汲郡抵
臨清關度河至浚儀襄城達于上洛以置關防
質實
長平郡名注見梁武帝中大通六年汲郡注見秦莊
襄王三年一統志云臨清關在衛輝府新鄉縣北隋
初所建浚儀縣名注見唐玄宗開元九年襄城縣名
注見周赧王十五年上洛縣名注見晉元帝大興四
年

書法

書置關防特筆也
天子之守可知矣

陳叔寶卒

贈長城縣公謚曰煬質實一統志云長城縣本秦之鄣郡地漢為烏程故鄣縣地晉分置長城縣屬

吳興郡隋初省入烏程尋復置屬蘇州大業中屬吳郡唐初置絳州又改名雉州尋廢州以縣屬湖州五代時吳越改為長興縣宋屬安吉州元陞為長興州本朝初改名長安後改為縣屬湖州府

書法

姓名何無爵也綱目滅國之君書卒七魏山陽安樂晉歸命陳留隋陳井寶唐鄭公楊溥

無爵者叔實一人而已

以洛陽為東京

乙丑煬帝大業元年春正月立皇后蕭氏

書法

立后自宋以來不書列國也于是始書至唐代宗而後無書者惟昭宗一書五季之后非

有故不
書也

○廢諸州總管府○立晉王昭為皇太子○遣劉方擊

林邑

羣臣有言林邑多奇寶者時天下無事劉方新

質寶

平交州乃授方驩州道行軍總管經畧林邑

林邑南蠻國名注見漢後主建興四年交州注見唐

宣宗大中二年安南驩州莫詳沿革唯外夷安南國

人安府所領有
驩州未知是否

二月以楊素為尚書令

敕有司大陳金寶器物錦綵車馬引楊素及諸將討
并州有功者立于前使奇章公牛弘宣詔賜賚有差

以素為質實奇章郡名注見唐尚書令敬宗寶厯元年

詔天下公除集覽公除王氏音訓曰謂已成服除之以從公家之事不待終制也

惟帝服淺色黃衫鐵裝帶

書法公除未有書者此何以書著欺也身行弑逆而詔使天下公除已猶淺色鐵帶吾誰欺欺

天乎故綱目特書之

三月命楊素營東京宮室

詔楊素營東京役丁二百萬人徙洛州郭內居民及諸州富商大賈數萬戶以實之敕將作大匠宇文愷與內史舍人封德彝等營顯仁宮發江嶺之間奇材異石輸之洛陽又求海內嘉木異草珍禽奇獸以實

苑質寶

洛州注見秦莊襄王元年三川將作大匠官名注見大業九年一統志云顯仁宮在河南

府洛陽縣阜潤
隋煬帝所建

開通濟渠引汴水開邳溝置離宮造龍舟

詔曰古者聽採輿頌謀及庶民故能審刑政之得失
今將巡歷淮海觀省風俗遂命尚書右丞皇甫議發
丁百萬開通濟渠自西苑引穀洛水達于河復自板
渚引河入汴引汴入泗以達于淮又發民十萬開邳
溝入江溝廣四十步傍築御道樹以柳自長安至江
都置離宮四十餘所遣黃門侍郎王弘等往江南造
龍舟及雜船數萬艘官吏督
役嚴急役丁死者什四五
集覽邳溝邳音寒左傳
注于邳江築城穿溝東北通射陽湖西北至末口入
淮通糧道也今廣陵韓江是元和郡縣志云合濟渠

在江都縣東二里昔吳王夫差將伐齊自廣陵城東南築邳城謂下掘深溝謂之邳江亦曰邳溝質

寶

一統志云通濟渠即汴河故道其源舊自開封府

蔡陽縣東經府城內又東合蔡河名蓂莨渠又名

通濟渠東注泗州下入于淮累因河決其蔡河湮沒

無跡而汴河自府西中牟縣入黃河矣穀洛水穀水

注見唐太宗貞觀十一年洛水注見漢高后三年汴

河名注見晉安帝義熙十二年泗水名注見宋文帝

元嘉三十年淮水名注見漢後主建興二年邳溝即

官河在揚州府城北一百二十里昔吳王夫差將北

霸中國自廣陵城東南築邳城下掘深溝謂之邳江

亦曰邳溝自江東北通射陽湖又西北入淮一名漕

河左傳吳城邳溝通江淮即此江溝未詳處所離宮

注見周赧王四十五年又常州府城東南二十里有

離宮乃隋大業間于毘陵郡置宮苑內有離宮十六

所正殿曲閣周廊飛橋相貫百餘所模倣洛陽西苑

形勢而秀麗
奇靡過之

書法

辭繁不殺不待貶而意見矣書溝始此書離
宮始此書舟始此終綱目書開渠十詳泰乙

郊年書開溝瀆三隋丁未年山陽瀆是年邦溝唐
德宗貞元十二年刁溝書造舟四是年大業十一

年更造唐太宗貞觀二十一年大船敬

宗寶歷元年親渡船書置離宮一而已

發明

罪有輕重必捨輕從重故殺人之賊不問其
剽竊蓋以殺人自有死罪故也楊廣弑逆罪

不容誅若其奢侈淫慾縱兵濫殺是皆餘事之瑣
瑣者耳然亦不可不書此開渠造舟與夫徇遊幸
築宮苑等事所以亦著
于冊而不泯其實者也

夏四月劉方大破林邑還卒于師

林邑王梵志遣兵守險劉方擊走之師度闍黎江林邑兵乘巨象四面而至方戰不利乃多掘小坑草覆其上與戰偽北林邑逐之象多顛躓以弩射之象却走蹂其陳因以銳師繼之林邑大敗引兵追之過馬援銅柱南八日至其國都四月梵志走入海方入城獲其廟主十八皆鑄金為之刻石紀功而還士卒腫足死者什四五方亦得疾卒于道初尚書右丞李綱數以異議忤楊素蘇威素薦綱為方行軍司馬方承素意屈辱之幾死軍還威復遣綱詣南海應接林邑久而不召綱自歸奏事威劾奏之下吏免官屏居于鄢

集覽

偽北偽詐也北注見周赧王二十一年逐北顛躓顛仆也躓陟利反礙不行也廟主宗廟

中神主鄢注見漢

質實

闍黎江未詳處所巨象說文云象長鼻牙南粵之大獸三

桓帝延熹七年

歲一乳范至能虞衡志象出交趾山谷惟雄者有兩長牙頭不可俯頸不可回口隱于頰去地尚遠運動

以鼻為用一軀之力皆在鼻將行先以鼻拄地以移足鼻端甚深可以開闔取物中有少肉夾雖芥子亦可拾每以鼻取食飲水亦以鼻吸而捲之足如柱無指而有爪甲形如栗登山下峻坂涉水甚捷其膽隨四時在腿春在前左夏在前右出象處曰象山馬援銅柱一統志云漢馬援既平交趾立銅柱為漢界相傳在廣州府欽州古森洞上有援誓云銅柱折交趾滅唐馬總又建二銅柱鏡著唐德以明其為伏波之裔今未詳所在日南郡西有西屠夷國援嘗經其地亦植二銅柱表漢界及北還留十餘戶于柱下至隋乃有三百餘戶患姓馬按林邑記林邑大浦口有五銅柱唐天寶中何履光伐雲南收安寧城立援銅柱以定疆界亦未詳所在

書法

綱目書卒于師八詳漢光武建武九年多具官者嘉死事也方驩州總管也其不書何罪

方也林邑僻遠未聞猾夏徒以多寶故伐之而方窮兵深入士卒死者至什四五其罪大矣故前書擊此書卒皆削其官綱目書卒于師不具官者二劉方任雅相惟方終始不書官為譏焉

發明

書卒于師卒于軍有二義若討伐讐賊防遏虜寇則為沒于王事若貪人土地利人貨寶

無故暴師則為死于不義二者固不可以一概論也夫兵以毒民非有大不得已胡可輕用林邑在隋未聞犯邊之罪乃為其多奇寶而舉兵則是志在狗貨而已是以前日劉方之遣綱目書擊而不書討已見貶之之意今而成功乃卒于師是亦天誅之意耳直筆書之正以著其輕人命貪異物之罪而非以是予之也春秋之法美惡不嫌同詞

五月築西苑

苑周二百里其內為海周十餘里為方丈蓬萊瀛洲諸山高百餘尺臺觀宮殿羅絡山上海北有渠縈紆注海內緣渠作十六院門皆臨渠每院以四品夫人主之窮極華麗宮樹凋落則剪綵為花葉綴之沼內亦剪綵為荷芰菱芡色渝則易以新者十六院競以戲羞精麗相高求市恩寵上好以月夜從宮女數千騎遊西苑作清夜遊曲于馬上奏之

質實

方丈蓬萊瀛洲三神山名在渤海蓬萊瀛洲三神山名在渤海

中以金銀為宮闕乃神仙之都上帝遊息之所

秋七月廢滕王綸衛王集徙之邊郡

帝待諸王恩薄多所猜忌綸集憂懼呼術者問吉凶及章醮求福或告其怨望呪詛除名徙邊

八月帝如江都

上幸江都龍舟四重高四十五尺長二百尺上重有
正殿內殿朝堂中二重有百二十房皆飾以金玉下
重內侍處之皇后乘翔螭舟制度差小別有浮景九
艘三重皆水殿也餘數千艘後宮諸王公主百官僧
尼道士蕃客乘之共用挽士八萬餘人皆以錦綵為
袍衛兵所乘又數千艘舳舻相接二百餘里騎兵翊
兩岸而行所過州縣五百里內皆令獻食多者一州
至百輦極水陸珍奇後宮厭飫將發之際多棄埋之

集覽

江都縣名注見漢

質實

舳舻注見晉帝
奕太和四年

契丹寇營州遣謁者韋雲起以突厥兵討平之考異

此討

字亦當作擊

契丹寇營州詔通事謁者韋雲起護突厥兵討之詔
民可汗發騎二萬授其處分雲起分為二十營四道

俱引營相去一里不得交雜聞鼓聲而行聞角聲而止自非公使勿得走馬三令五申擊鼓而發有紇干犯約斬以徇于是寔厥將帥入謁皆膝行股栗莫敢仰視契丹奉事寔厥不相猜忌雲起既入其境使寔厥詐云伺柳城與高麗交易敢漏泄事實者斬契丹不為徇去其營五十里馳進襲之虜獲甚衆以女子及產畜之半賜寔厥餘皆收之

質實

契丹北方國名注見晉安帝義

熙二年營州注見晉武帝太康三年謁者官名注見

漢高帝七年徇注見秦二世元年徇斬股栗注見文

帝開皇二十年柳城縣名

注見漢獻帝建安十二年

鐵勒叛西突厥自立為莫何可汗

初西突厥阿波可汗為葉護可汗所虜國人立鞞素特勒之子是為泥利可汗泥利卒子達漫立號處羅

可汗其母向氏本中國人更嫁泥利之弟婆實特勒
開皇末俱入朝留長安處羅多居烏孫故地撫御失
道國人多叛復為鐵勒所困鐵勒者匈奴遺種族類
最多有僕骨同羅契苾薛延陀等部其酋長皆號俟
斤大抵與突厥同俗以寇抄為主無大君長分屬東
西兩突厥是歲處羅引兵擊鐵勒諸部厚稅其物又
忌薛延陀集其酋長數百人盡殺之于是鐵勒皆叛
立俟利發俟斤契苾歌楞為莫何可汗又立薛延陀
俟斤字也啞為小可汗與處羅戰屢敗之莫何勇毅
絕倫甚得衆心為鄰國所憚伊吾高昌焉耆皆附之

集覽

僕骨一曰僕固注見唐太宗貞觀元年同羅注
同上年契苾注同上年薛延陀本匈奴別種先

與薛種雜居磧北後拔延陀部而有之故號薛延陀
姓一利啞氏俟利發俟斤契苾歌楞俟利發本突厥
大臣之稱鐵勒以為別部之號俟斤其部酋長之稱
契苾歌楞乃俟利發俟斤之名也俟並音渠之反楞

魯登反字也。咥，薛延陀俟斤之名。咥，音虛器反。或音經。伊吾，注見漢明帝永平十五年。高昌，注見宋文帝元嘉十九年。焉耆，西域國名。焉音烟者，音支。**質實**，鳥孫西域國名。注見漢車部。號，注見宋文帝元嘉七年。苻長，苻慈秋反。注見新莽始建國二年。

丙寅 二年春正月併省州縣。○二月新作輿服儀衛。

詔牛弘等議定輿服儀衛制度，以何稠為太府少卿，使之營造。送江都稠叅會古今，多所損益。袞冕畫日月星辰皮弁以漆紗為之，大抵務為華盛，以稱上意。課州縣送羽毛，民求捕之，殆無遺類。鳥程有高樹，踰百尺，上有鶴巢，民欲取之，不可。乃伐其根，鶴恐殺其子，自拔。斲毛投于地，時人或稱以為瑞。後五十萬人費以鉅。**集覽**，鳥程縣名，注見晉安帝隆安三年。斲毛，斲齒兩反。鶴之羽毛也。**質實**，袞冕億計。

王者冠服名注見
漢平帝元始五年

書法

書新作何
譏靡也

夏四月還東京考異

還上漏帝字○按凡例間無異
事不書帝此上有異事當書帝

二月上發江都四月自伊闕陳法駕備千乘萬騎入
東京御端門大赦制五品已上文官乘車在朝并服

佩玉武官馬加珂戴幘服袴
褶文物之盛近世莫及也

集覽

伊闕注見周安王
十五年法駕注見

漢高后八年端門殿正門馬加珂珂立何反爾雅翼

云貝大者珂黃黑色其骨白可以飾馬又韓愈詩送

以紫玉珂注引服虔通俗文曰勒飾曰珂戴幘說文

髮有中曰幘戴者以幘覆髻也幘又注見漢帝玄更

始元年服袴褶服被服也著之

也褶音習袴也袴褶騎服也

六月以楊素為司徒○秋七月制百官不得計考增級
制百官不得計考增級必有德行功能灼然顯著者
進擢之帝頗惜名位羣臣當進職者多令魚假而已
時牛弘為吏部尚書不得專行其職蘇威宇文述張
瑾虞世基裴蘊裴矩參掌選事而與奪之筆世基獨
專之受納賄賂黜陟任意胡氏曰煬帝非能惜名器
也特貪欲忌克又有輕視士大夫之心以謂莫足以
當我之官爵爾當是之時興唐才智之臣皆如金玉
隱于沙石之中而莫之知也則其靳惜名器祇足以
失士為他人之資耳

太子昭卒

元德太子昭自長安來朝數月將還欲乞少留不許
拜請無數昭體素肥因致疾薨帝哭之數聲而止尋

奏聲伎無異平日也

始建進士科

書法

後世進士之科始此

○楊素卒

越公楊素雖有大功特為帝所猜忌外示殊禮內情甚薄太史言隋分野有大喪乃徙素為楚公意楚與隋同分欲以厭之素寢疾不肯餌藥謂弟約曰我豈湏更活邪

集覽

分野注見五代漢隱帝乾祐元

年

質實

越州名注見漢和帝永元元年會稽楚州名注見晉武帝大明三年山陽

書法

楊素何司徒越公也然則曷為不具官貶也素與聞乎弒故削之自宋至陳不皆卒諸臣

所卒無不書官者錄賢也至是始復以不書官為
貶矣自是至唐卒不書官者四十二詳唐太宗貞

觀三

發明

素是時既為司徒又封越公爵位隆重何以
不書其官素預聞乎故乃弑君之賊故綱目

削而誅之耳何以知其然也姑以煬朝言之凡大
臣無事而書卒者皆書其爵如文安公牛弘內史
令元壽綱言楊達之類是已楊素身為上公首建
奪宗之策寢殿之變素實為之綱目正其弑逆之
罪故于其死也盡削其官以示天誅不赦之意耳
然則何以書卒曰削官以著楊素之罪惡書卒以
譏隋人之失賊二者固並行而不相
悖此綱目之意也亦春秋之法也

八月封孫侯為燕王侗為越王侑為代王

皆昭之
子也

冬十月置洛口回洛倉

置洛口倉于鞏東南原上城周二十餘里穿三千窖
置回洛倉於洛陽北七里城周十里穿三百窖窖皆

容八千石
集覽鞏古勇反今河南府鞏縣是周考王封威
公子惠公之少子於鞏號曰東周惠公即

此
質實洛口倉注見大業七年鞏
縣名注見漢王邦三年

徵天下散樂

初齊高緯之世有魚龍山車等戲謂之散樂周宣帝
時鄭譯奏徵之及高祖受禪牛弘定樂志放遣之帝
以啓民可汗將入朝欲以富樂誇之太常少卿裴蘊
希旨奏括天下前世樂家子弟皆為樂戶其六品以

下至庶人有善音樂者皆直太常帝從之于是四方散樂大集東京課京北河南製其衣錦綵為空帝多製艷篇令樂正白明達質實京兆郡名注見唐玄宗造新聲播之音極哀怨開元十一年河南郡名

注見秦莊襄王元年三川

丁卯 三年春正月突厥啓民可汗來朝

啓民請嚴冠帶帝大悅

三月殺故長寧王儼及其弟七人

初雲定興坐媚事太子勇與妻子皆沒官為奴婢上即位多所營造聞其有巧思召之使典其事時宇文述用事定興以明珠絡帳賂述述大喜兄事之薦使監造兵器因謂之曰兄所作器仗並合上心而不得

官者為長寧兄弟未死耳定興曰此無用物何不勸
上殺之述因奏請處分帝然之乃鳩殺長寧王儼及
其七弟襄城王恪

集覽

巧思智思機巧

質實

長寧縣名注見

之妃柳氏自殺

漢和帝永元十二年秭歸寢

城縣名注見周赧王十五年

發明

煬弑父殺兄何有于猶子然亦不可盡
沒其寃故書殺儼及其弟七人以甚之

夏四月詔頒新律

帝以高祖末年法令峻刻詔牛弘等造大業律十八
篇頒行之民久厭嚴刻喜于寬政其後征役繁興民
不堪命有司臨時迫脇以求濟事不復用律令矣旅
騎尉劉炫預修律令弘嘗從容問炫曰周禮士多而
府史少今令史百倍于前減則不濟其故何也炫曰
古人委任責成歲終考其殿最案不重校文不繁恚

府史之任掌要目而已今之文簿恒慮覆治若鍛鍊不密則萬里追證百年舊案故諺云老吏抱案死事繁政弊職此之由弘曰魏齊之時令史從容而已今則不遑寧處何也炫曰往者州唯置綱紀郡置守丞縣置令而已其餘具僚則長官自辟今大小之官悉由吏部纖介之迹皆屬考功省官不如省事官事不省而望從容其可得乎

集覽

考其殿最注見漢武帝元鼎四年課殿守丞守

弘善其言而不能用于

始究反諸侯為天子守土故稱守漢百官表

質實

鍛鍊

郡守掌治其郡有丞尉掌佐守典武職甲卒

注見唐玄宗天寶五載綱紀

注見宋主義符景平二年

改州為郡○更定官制

改上柱國已下官為大夫置殿內省與尚書門下內史秘書為五省增謁者司隸臺與御史為三臺分太

府寺置少府監與長秋國子將作都水為五監
又增改左右翊衛等為十六府廢伯子男爵

集覽

長秋注見漢光

武建武九年

六月詔為高祖建別廟

初高祖受禪唯立四親廟同殿異室而已帝即位命
有司議七廟之制禮部侍郎許善心等奏請為太祖
高祖各立一殿準周文武二祧與始祖而三餘並分
室而祭從迭毀之法帝謂柳詒曰今始祖及二祧已
具後世子孫處朕何所乃詔為高祖
建別廟既而方事巡幸竟不果立
集覽七廟之制
天子七廟三昭三穆與太祖之廟而七注此周制七
者太祖及丈王武王之祧與親廟四太祖后稷也祭
法篇天下有王設廟祧壇墠而祭之乃為親踈多少
之數是故王立七廟一壇一墠曰考廟曰王考廟曰

皇考廟曰顯考廟曰祖考廟皆月祭之周文武二祖
記祭法篇遠廟為祧有二祧享嘗乃止注祧之言超
也超然上去意也天子遷廟之主以昭穆合藏于二
祧之中享嘗謂四時之祭祧他遙反孔子家語曰遠
祖為祧有二祧焉古者祖有功宗有德謂之祖宗者
其廟皆不毀王肅注祧遠意也親盡為祧二祧者高
祖及父母祖是也祖宗者不毀之名其廟有功者謂
之祖至于周文王是也有德者謂之宗武王是也二
廟自有祖宗乃謂之二祧又以為配食明堂之名亦
可謂達虛指失寔事也迭毀之法按漢成帝崩哀帝
即位孔光何武等奏言迭毀之次當以時定臣請與
群臣雜議于是彭宣等議以為繼祖宗以下五廟而
迭毀後雖有賢君猶不得與祖宗並列子孫雖欲褒
大顯揚而文之鬼神不饗也謂雖有功烈親盡則宜
毀王舜劉歆議曰禮記曰天子三昭三穆與太祖之
廟而七七者其正法數可常數者也宗不在此數中

宗變也苟有功德則宗之不可預為設數迭毀之禮
自有常法無殊功異德固以親疏相推及至祖宗之
序多少之數經傳無明文至尊至重難以疑文虛說
定也自貢禹建迭毀之議惠景及太上寢園廢而為
虛失禮意矣詳見前書韋玄成傳柳詒史炤通鑑擇
文曰詈音辯字本作辯北齊時里俗多作偽字始以
巧言為辯至此又
訛其字以玃為巧

書法

立廟未有書詔者此其書詔何未果立也未
果立則何以書罪廣也高祖喪已三年廟制

未定許善心之議善矣憂後世之毀及已也遂有
此詔焉又以方事巡幸竟不果立其慢宗廟而自
尊大甚矣故
網目書罪之

帝北巡次榆林郡啓民可汗及義成公主來朝吐谷渾

高昌皆入貢

車駕北巡發河北十餘郡丁男鑿太行山達于并州以通馳道過雁門太守丘和獻食甚精至馬邑太守楊廓獨無所獻帝不悅以和為博陵太守使廓至博陵觀之由是所至獻食競為豐侈至榆林遂欲出塞耀兵徑突厥中恐啓民驚懼先遣長孫晟諭旨啓民奉詔因召所部酋長咸集晟欲令啓民親除草示諸部以明威重乃指帳前草曰此根大香啓民遽嗅之曰殊不香也晟曰天子行幸所在諸侯躬自掃除以表至敬之心今牙內蕪穢謂是留香草耳啓民乃悟曰奴之罪也遂拔所佩刀自芟庭草其貴人及諸部爭效之于是發榆林北境東達于薊間為御道長三千里廣百步啓民及義成公主來朝行宮吐谷渾高昌並遣使入貢太府卿元壽言于帝曰御營之外請分為二十四軍日發一軍相去三十里使旗幟鉦鼓

千里不絕定襄太守周法尚曰不然兵亘千里動問山川猝有不虞難以相救乃取敗之道也帝不懌曰卿意如何法尚曰結為方陳四面外拒六宮及百官家屬並在其內若有變起所當之面即令抗拒內引奇兵出外奮擊車為壁壘重設鉤陳若戰而捷抽騎追奔萬一不捷屯營自守此萬全策也帝曰善因拜法尚武衛將軍令宇文愷為大帳其下可坐數千人以宴啓民及其部落作散樂諸胡駭悅帝賜啓民路車乘馬鼓吹幡旗贊拜

集覽

馳道注見秦始皇二十七年牙內注見漢獻帝

不名位在諸侯王上

初平三年牙門鉦鼓注見漢元帝建昭三年奇兵注見周赧王五十五年鉤陳陳與陣通鉤其陣之名

質實

太行山注見周安王十六年并州注見齊明帝建武三年雁門郡名注見秦王政三年丘和洛

陽人馬邑郡名注見漢高帝六年博陵郡名注見周威烈王二十三年榆林郡名注見文帝開皇十九年

勝州薊縣名注見漢帝立更始二年元壽
洛陽人定襄郡名注見晉懷帝永嘉六年

書法

終綱目書巡二十九而始皇五武帝七煬三
書巡七書如奢欲之主蓋一轍也詳秦始皇

二十
七年

秋七月築長城

詔發丁男百餘萬築長城西距榆林東至紫河蘇威諫不聽

質實

一統志云紫河在大同府城西

北四百二十里古豐州西北黑峪口發源西流至雲內州東合黑河

殺太常卿高潁尚書宇文弼光祿大夫賀若弼

帝之徵散樂也太常卿高潁諫不聽退謂丞李懿曰
周天元以好樂而亡殷鑒不遠安可復爾又以帝遇

啓民過厚謂何稠曰此虜頗知中國虛實山川險易

恐為後患宇文弼私謂頗曰天元之俊以今方之不

亦甚乎賀若弼亦私議宴可汗大俊並為人所奏帝

以為誹謗朝政皆殺之頗有文武大畧明達世務以

天下為已任蘇威楊素賀若弼韓擒

虎皆類所薦及死天下莫不傷之

也傳位于太子自稱天元皇帝殷鑒不遠殷鑒于夏

言夏之亡可為殷之鑒也詩蕩篇末章曰殷鑒不遠

在夏后之世箋云此言殷之明鏡不遠也夏以禹興

以桀亡得失曉然在前此詩為召穆公舉此以戒厲

王欲王之鑒殷

猶殷之鑒夏

質實

惠帝四年

發明

類等皆前朝舊臣既不能明弑殺之罪又不

能引身而去乃相與俛首事賊戮之宜矣然

自煬而言則亦不可故皆書殺而

不去其官下書殺薛道衡亦然

免內史令蕭琮僕射蘇威官

琮以皇后故甚見親重與賀若弼善弼既誅又有童謡曰蕭蕭亦復起帝由是忌之遂廢于家未幾而卒蘇威以諫築長城故威亦坐免

八月帝至金河幸啓民可汗帳

車駕發榆林甲士五十餘萬旌旗輜重千里不絕令宇文愷等造觀風行殿容數百人離合為之下施輪軸又作行城周二千步以布衣板樓櫓忠備蕃人驚以為神帝幸啓民廬帳啓民捧觴上壽王侯以下袒割帳前莫敢仰視帝大悅賦詩曰呼韓頓顙至屠耆接踵來何如漢天子空上單于臺皇后亦幸義成公主帳賜集覽樓櫓注見晉武帝泰始八年廬帳注見與甚厚唐高宗永徽二年呼韓注見宋文帝元

嘉二十三年呼韓入漢屠耆匈奴單于之號也名曰
逐王簿胥堂按匈奴傳其俗謂賢曰屠耆故常以太
子為左屠耆王屠直于反質實一統志云金河在大
耆音祁徐廣曰屠一作諸質實同府古雲內州東南
一百五十里西流入天瑞泊其泥色
紫故名輜重注見周顯王三十六年

還至太原營晉陽宮質實

太原郡名注見齊明帝建武三年并州晉陽宮注見梁武

帝大同十一年 ○宴御史大夫張衡宅

帝上太行開直道九十里

至濟源幸衡宅留宴三日

質實

一統志云濟源縣名本周之原地後更名

軹東周為畿內地春秋時屬晉戰國時屬魏秦漢皆
為軹縣地隋析置濟源縣以濟水發源故名唐初置
西濟州後省州以縣屬懷州後屬孟州宋金因之元
初改縣為原州尋罷州復為縣屬孟州本朝因之改

屬懷

慶府

遂還東都質實

東都注見秦莊
襄王元年三川

發明

自發榆林至還東都首尾特一事耳而屢書
于冊何哉書幸啓民帳所以見其務勤遠畧

之實書營晉陽宮所以見其峻宇雕牆之實書宴
張衡宅所以見其私昵寵臣深德其弑奪之寔凡
此類一事則有一義固不以其
亂亡不道之故而盡畧之也

以楊文思為納言○冬以裴矩為黃門侍郎經畧西域

西域諸蕃多至張掖交市帝使吏部侍郎裴矩掌之
矩知帝好遠畧訪諸商胡以其國山川風氣撰西域
圖記三卷入朝奏之仍別造地圖窮其要害從西傾
以去縱橫所亘將三萬里發自燉煌至于西海凡為

三道北道從伊吾中道從高昌南道從鄯善且云以
國家威德將士驍雄汎濛汜而越崑崙易如反掌况
今羗蕃之國並因商人密送誠款引領翹首願為臣
妾若服而撫之務存安輯混一戎夏其在茲乎帝大
悅矩因盛言羗中多諸珍寶帝于是慨然將通西域
以矩為黃門侍郎復使至張掖引致諸羗啗之以利
勸令入朝自是西域諸羗往來相繼所經郡縣糜集
費以萬萬計卒令中國疲弊以至于亡矩唱之也集

覽

張掖注見漢光武建武元年西傾禹貢西傾因桓
是來蔡氏集傳曰西傾山名也地志山在隴西郡

臨洮縣西南今洮州臨潭縣西南水經云西傾之南桓
水出焉史記夏禹本紀注括地志云西傾山今嶽臺
山在洮州臨潭縣西南三百三十六里煨煌注見漢武
帝元朔三年鄯善注見漢武帝元鼎二年汎濛汜汎
與汎通浮也史炤通鑑釋文曰濛汜水名也音蒙似
濛通作蒙楚辭天問篇出自暘谷次于蒙汜文公集

註曰陽音陽虞書堯典宅隅夷曰陽谷即湯谷也次
舍也記音似上聲水涯也爾雅云西至日所入為大
蒙即濛汜也案陽谷濛汜固無其所然日月出水乃
昇于天及其西下又入于水故其出入似有處所也
越崑崙越度也崑崙山名水經云山在西北去嵩高
山五萬里地之中也張揖曰崑崙天帝下都也山廣
袤百里有八萬仞層城九重面有九井以玉為欄旁
有五門明獸守之史記夏禹本紀言河出崑崙注鄧
展曰漢以窮河源于河見崑崙乎離騷經遭吾道夫
崑崙兮路脩遠以周流朱文公辯證曰博雅云崑崙
虛赤水出其東南陬河水出其東北陬洋水出其西
北陬弱水出其西南陬唯河水入東海其三水入南
海後漢書注崑崙在肅州酒泉縣西南山有崑崙之
體故亦名之二書之語似得其實據大荒經崑崙在
西域一名阿耨達山河水所出亦非妄語然云去
嵩高山五萬里則恐不能如是之遠也當更考之質

實

一統志云西傾山名在洮州衛軍民指揮使司城西南二百五十里禹貢西傾因桓是來即此縱橫

注見周安王十五年崑崙山名在邊外西蕃梁甘衛東北番名亦耳麻不刺山極高峻雪至夏不消綿亘五百餘里黃河經其南又陝西行都指揮使司肅州衛城西南二百五十里南有崑崙山與甘州山相連其顛峻極經夏積雪不消世呼為雪山後涼張駿時酒泉太守馬岌言周穆王見西王母于此宜立王母祠駿從之西域國名注見漢哀帝元壽二年

書法

特筆也其特筆何罪開邊也自矩首唱遠畧通西域征高麗而天下怨毒遂至于此矣是

故經畧一也書經畧中原所以予晉人之規復是帝建元元年書經畧西域所以罪隋人之開邊是

年蓋美惡

不嫌同辭

發明

煬之不道固無可救之理然所以盈其罪而趣其敗者不得不著之以為後世鑒若裴矩

者倡導亡國之事故特書經畧西域以著其罪至他日高麗之役亦矩首倡其端也

御批資治通鑑綱目卷三十六下

謹案卷三十六上第二頁後三行魏之三祖按三國志魏書
明帝紀有司秦武皇帝為魏太祖文皇帝為魏高
祖帝為魏烈祖三祖之廟萬世不毀此所謂魏
之三祖也若拓跋之魏既不僅三祖而平文昭
成太武亦非崇尚文詞者此誤

第七頁前五行殺大市令章華亦然刊本脫華字
據通鑑增

第十一頁前一行驅文武男女一萬口按陳後主

紀作十萬餘口而陳慧記傳又作二萬餘口俱
與此異

第十三頁前二行元水刊本訛瓦水今改

第十七頁前六行流頭灘未詳處所按水經注江
水東逕流頭灘宜都記曰渡流頭灘十里便得
宜昌縣也此失考

第二十二頁後一行陳南康內史呂忠肅據巫峽
按楊素傳陳南康內史呂仲肅屯岐亭正據江

峽此云忠肅非也又素水軍已逾狼尾灘東下則仲肅所據當在宜都之東荆門之西不得反據巫峽也此誤

卷三十六下第二十八頁後八行西北至末口入淮刊本末訛宋據水經注改

第二十九頁前七行江溝未詳處所按綱目以開邗溝入江為句下以溝廣四十步為句溝即邗溝也此破讀誤

第四十三頁前六行臨洮縣西南刊本脫南字據

書正義改

第四十三頁前七行在洮州臨潭縣西南刊本臨


潭訛林澤又脫縣字據史記正義改增

第四十三頁後一行西至日所入為大蒙刊本大

蒙訛太陰今改

第四十四頁前一行西南二百五十里按胡渭曰

唐洮州臨潭縣故城在衛西南七十里括地志



總校官庶吉士臣張能照
校對官檢討臣郭寅
謄錄監生臣劉書